



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Epistola Pastoralis Illustrissimi Ac Reverendissimi Domini
D. Humberti Guilielmi A Præcipiano, Archiepiscopi
Mechliniensis**

**Precipiano, Humbert Guillaume de
Lovanii, [1692]**

Caput VI. De Catechismo

urn:nbn:de:hbz:466:1-39186

lentur, hos effingant, hos audiendos, hos æmulandos, hos effingendos institutioni ac curæ suæ commissis, tamquam optimos vitæ duces proponant.

Post Virginem in Sanctos quoque, eorum Reliquias atque Imagines priscam pietatem in se, & in suis alant, foveant, augeant, Deumque ac Jesum Christum Filium ejus in iis præcipue suspici moneant: si tamen hoc monendum est, nisi qui adfint primis fidei elementis imbuendi. Quanta per eorum patrocinium in nos deriventur beneficia, si religiosè invocemus, si puriter colamus, sedulò exponant: Seu pestis, seu fames, seu bella ingruant, quibus tanto jam tempore propter deficentem in nobis Christi spiritum, & quotidiana populi flagitia premimur, doceant Advocatos nobis non posse alias esse meliores apud Christum ad placandam Dei iram, justamque vindictam à cervicibus nostris arcendam: quippè qui vel Sanguinem suum pro ejus gloria fuderint, aut lento martyrio inter assidua virtutum omnium exercitia vitam exhauserint. Ita crescat in Cælites pietas, & suscitabitur in pluribus æmulandi ardor, & ardua pro Dei nomine & agendi & patiendi cupiditas exsurget.

Neque id à nobis adeò sollicitè præscribi mirum videri debet. Urgent nos causæ minimè leves. Quotquot enim hisce ultimis præsertim sæculis natæ sunt Hæreses, Virginis Matris, Sanctorumque cultum, venerationem Imaginum, ac Reliquiarum cœperunt primò obliquè carpere, dein admordere apertiùs, postremò convellere, evertere, pessundare, ac simul totam Ecclesiæ faciem innovare, deturpare, conspurcare, & totum Religionis jugum excutere. Nolumus quidem de Mariani cultùs, aut invocationis Sanctorum obtrectatoribus, aut, si ita vultis, reformatoribus hodiernis tam male ominari. Hæc tamen omnia initia sunt dolorum.

C A P U T V I.

De Catechismo

Observari pariter religiosè cupimus Decretum Synodi Mechliniensis II. cui similia sanxit S. Carolus in Concilio Mediolanensi I. videlicet ut Parochi singulis Dominicis & aliis Festis Diebus, singuli in suis Parochiis initia

† Tit. II. cap. 6.

* Tit. 4.

initia fidei rudioribus tradant; ne in eos recidat lamentantis
Prophetæ improprium: *¶ Parvuli petierunt panem, nec erat
qui eis frangeret.* Si per se idipso facere graviores curæ non
patientur, aut secus consuetudo ferat nonnullis in locis, ubi
delecti ex Religiosis Familii Viri non sine laude & teneræ
ætatis, ac rudium hominum in Doctrina Christiana progressu
id munus exercent, ne ponant iis obicem ullum, sed coadju-
tores suos in vinea Domini excolenda humaniter atque offi-
ciosè habeant: si solatium istud aut non habuerint hactenus,
aut obtinere non possint, idoneos sibi Viros substituant, qui
teneras illas plantas solidò doctrinæ Christianæ ac pietatis
succo imbuant.

Catechismum autem non adhibeant alium, quam qui in
Diœcesi nostrâ jam olim probatus est. Nihil hic novi inve-
hant. Novos Catechismos, novas docendi formulas, praxes
novas suspectas habeant. Experientia docet plerumque malè
cedere res hujusmodi tentantibus, ut non ita pridem malè
cessit, famosa quædam Septem Puncta in hanc Diœcesim ad
rudium instructionem invehere conatis. Roma vix intellexit,
& opposuit se, tantumque Censura sua effecit, ut inconsulti
conatûs puduerit Auctores.

Diebus Dominicis aut Festis solemnioribus, quando de
more verba faciunt pro corona ad maiores natu, meminerint
& obseruent quæ eodem loco S. Carolus monet, *ut oves sibi
commissas salutaribus verbis pro earum sensu & intelligentia
pascant. Ne tamen ostendanda doctrina & eloquentia causa dif-
fices atque inanes questiones, sicutumque orationis & pigmenta
conquirant, unde sui ipsius potius, quam Jesu Christi Prædica-
tores esse videantur: sed præcipue in Evangelii, Symboli, Oratio-
nis Dominicæ, Angelicæ Salutationis, decem Præceptorum, Sa-
cramentorum Ecclesiae, & Sacrorum rituum dilucida explica-
zione versentur.

Quid opus illic de inscrutabili divinæ Prædestinationis
mysterio, de cælestium auxiliorum efficacia, de utriusque cum
libero arbitrio concordia, aliisque id genus, de quibus hacte-
nus Ecclesia nihil certi statuit, subtiliter argutari, quæ mul-
titudo vel non capiat, vel si, capiat, ad solidam pietatem mo-
rumque emendationem haud magnopere conducant, quando

interim Christiani hominis officium pars multò maxima aut ignorat, aut non implet? Faciliat è templis hæc Philosphandi libido, non veritatis, sed ingenii ostentatrix. Scholis illa ser ventur, in quibus tractantur non inutiliter, modò tractentur sobriè. Et suos enim Schola habet justos limites, quos qui prætereunt, manet præcipitum.

C A P U T VII.

De moderatione in Concione.

Dicitur, Scommatis, Censuris abstineant, neque insulsis convitiis cathedram profanent, & in Aristophanis sive maledicentiæ theatrum infame commutent. Opiniones, quas Ecclesia tolerat hactenùs, & doceri finit, Censoria virgā ne notent. Hæc quorundam arrogantia multarum mater est turbarum atque seditionum. Christum denique non Magistros suos prædicent, ne cæcos interdum duces cæci ipsi sequantur. Certi sumus hanc licentiam in nullo umquam pati impunitam, sed Ecclesiasticæ severitatis vinculis pruritum intolerabilem frænare. Habet ubi se Christiana eloquentia exerceat, licet in virulentas Satyras adversus Fratres, adversus commilitones suos, adversus Cleri Collegia, adversus Religiosas familias non prorumpat; licet odio, atque invidiæ & amaro zelo, quem S. Jacobus plurimum increpat, & ex Christianis cætibus exterminatum it in Catholica sua Epistola, non velificetur. Neque hæ tantum apertæ rixæ nobis, & bonis omnibus displicant, sed obliqui quoque iectus morsuisque figurati, & intortæ velut sub ancipiti verborum velo sicæ, quo sæviendi genere nonnulli videri se mirè ingeniosos existimant.

In reprehendendis vitiis, monet S. Carolus ibid. Ita se gerant, ut pietatis & charitatis studio eos adductos, non hominum, sed peccatorum odio id facere omnes intelligant. Ne sic igitur resonantia publicè vitia castigent, ut è corona quempiam, dito, ut aiunt, signent, ruboremque non illi solum & stomachum, sed concioni universæ moveant: quo quid potest esse durius, & à Christiana lenitate & prudentia alienius? Quanto rectius seorsim corripetur juxta Christi Servatoris regulam? Quanto majori cum spe emendationis & fructu, quisquis ita reus est,